

卷下

金匱心典

八卷



金匱心典卷下目錄

黃痺病證并治第十五

驚悸吐衄下血胸滿瘀血第十六

嘔吐噦下利病脉證治第十七

瘡癰腸癰浸淫病脉證并治第十八

跌蹶手指臂腫轉筋狐疝蚘蟲病脉證治第十九

婦人妊娠病脉證治第二十

婦人產後病脉證治第二十一

婦人雜病脉證并治第二十二



金匱心典卷下

漢張仲景著

吳下尤怡在涇集註

黃痺病證并治第十五

寸口脉浮而緩。浮則爲風。緩則爲痺。痺非中風。四肢苦煩。脾色必黃。瘀熱以行。

脉浮爲風。脉緩爲濕。云爲痺者。風與濕合而痺也。然非風痺疼痛之謂。故又曰痺非中風。所以然者。風得濕而變熱。濕應脾而內行。是以四肢不疼而苦煩。脾臟瘀熱而色黃。脾者四運之軸也。脾以其所瘀之熱。轉輸流布。而肢體面目盡黃矣。故曰瘀熱以行。



上海中医药大学图书馆版权所有

跌陽脉緊而數。數則爲熱。熱則消穀。緊則爲寒。食卽爲滿。尺脉浮爲傷腎。跌陽脉緊爲傷脾。風寒相搏。食穀卽眩。穀氣不消。胃中苦濁。濁氣下流。小便不通。陰被其寒。熱流膀胱。身體盡黃。名曰穀疸。

跌陽脉數爲熱者。其熱在胃。故消穀。脉緊爲寒者。其寒在脾。故滿。滿者必生濕。胃熱而脾濕。乃黃病之原也。尺脉浮爲傷腎者。風傷腎也。跌陽脉緊爲傷脾者。寒傷脾也。腎得風而生熱。脾得寒而生濕。又黃病之原也。濕熱相合。其氣必歸脾胃。脾胃者。倉廩之官也。穀入而助其熱。則眩。穀不消而氣以瘀。則胃中苦濁。

濁氣當出下竅。若小便通則濁隨溺去。今不通則濁雖下流而不外出。於是陰受其濕。陽受其熱。轉相流被而身體盡黃矣。曰穀痺者。病雖始於風寒而實成於穀氣耳。

額上黑。微汗出。手足中熱。薄暮即發。膀胱急。小便自利。名曰女勞痺。腹如水狀不治。

腎勞而熱。黑色上出。猶脾病而黃外見也。額於部爲庭。靈樞云。庭者顏也。又云。腎病者顴與顏黑。微汗出者。腎熱上行而氣通於心也。手足心熱。薄暮即發者。病在裏在陰也。膀胱急者。腎熱所逼也。小便自利。病



不在痛也。此得之房勞過度。熱從腎出。故名曰女勞瘵。若腹如水狀。則不特陰傷。陽亦傷矣。故曰不治心中懊懣而熱。不能食。時欲吐。名曰酒瘵。

懊懣鬱悶不甯之意。熱內畜則不能食。熱上衝則時欲吐。酒氣熏心而味歸脾胃也。此得之飲酒過多所致。故名酒瘵。

陽明病。脉遲。食難用飽。飽則發煩頭眩。小便必難。此欲作穀瘵。雖下之腹滿如故。所以然者。脉遲故也。

脉遲胃弱。則穀化不速。穀化不速。則穀氣鬱而生熱。而非胃有實熱。故雖下之而腹滿不去。傷寒裏實。脉



遲者尚未可攻。况非裏實者耶。

夫病酒黃瘰。必小便不利。其候心中熱。足下熱。是其證也。酒黃瘰者。或無熱。清言了了。腹滿。欲吐。鼻燥。其脉浮者。先吐之。沉弦者。先下之。酒瘰。心中熱。欲吐者。吐之愈。

酒之濕熱。積於中而不下出。則爲酒瘰。積於中則心中熱。注於下則足下熱也。酒黃瘰者。心中必熱。或亦有不熱。清言了了者。則其熱不聚於心中。而或從下積爲腹滿。或從上衝爲欲吐。鼻燥也。腹滿者可下之。欲吐者。可因其勢而越之。旣腹滿且欲吐。則可下。

亦可吐。然必審其脉浮者則邪近上宜先吐。脉沉弦者則邪近下宜先下也。

酒痺下之。久久爲黑痺。目青面黑。心中如噉蒜狀。

太僕

正黑。皮膚爪之不仁。其脉浮弱。雖黑微黃。故知之。

酒痺雖有可下之例。然必審其腹滿。脉沉弦者而後下之。不然。濕熱乘虛陷入血中。則變爲黑痺。目青面黑。皮膚不仁。皆血變而瘀之徵也。然雖曰黑痺。而其原則仍是酒家。故心中熱氣熏灼。如噉蒜狀。一如懊憹之無奈也。且其脉當浮弱。其色雖黑當微黃。必不如女勞痺之色純黑而脉必沉也。

師曰病黃痺發熱煩渴。胸滿口燥者。以病發時火劫其汗。兩熱所得。然黃家所得。從濕得之。一身盡發熱而黃。壯熱在裏。當下之。

煩滿燥渴。病發於熱。而復以火劫之。以熱遇熱。相得不解。則發黃痺。然非內兼濕邪。則熱與熱相攻。而反相散矣。何痺病之有哉。故曰黃家所得。從濕得之。明其病之不獨因於熱也。而治此病者。必先審其在表在裏。而施或汗或下之法。若一身盡熱而腹熱尤甚。則其熱爲在裏。裏不可從表散。故曰當下。而脈沉。渴欲飲水。小便不利者。皆發黃。腹滿。舌痿黃。躁

不得睡。屬黃家。

脉沉者熱難外泄。小便不利者熱不下出。而渴飲之。水與熱相得。適足以蒸鬱成黃而已。脾之脉連舌本。散舌下。腹滿舌痿。脾不行矣。脾不行者有濕。躁不得睡者有熱。熱濕相搏。則黃痺之候也。

黃痺之病。當以十八日爲期。治之十日以上。瘥反劇。爲難治。

土無定位。寄王於四季之末各十八日。黃者土氣也。內傷於脾。故卽以土王。之數爲黃病之期。蓋謂十八日。脾氣至而虛者。當復卽實者。亦當通也。治之十日。

以上差者邪淺而正勝之則易治。否則邪反勝正而增劇。所謂病勝藏者也。故難治。

痺而渴者其痺難治。痺而不渴者其痺可治。發於陰部其人必嘔。陽部其人振寒而發熱也。

痺而渴則熱方熾而濕且日增故難治。不渴則熱已減而濕亦自消故可治。陰部者裏之臟腑。關於氣故嘔。陽部者表之軀殼屬於形故振寒而發熱。此陰陽內外淺深微甚之辨也。

穀痺之病寒熱不食。食即頭眩。心胸不安。久久發黃爲穀痺。茵陳蒿湯主之。



穀痺爲陽明濕熱瘀鬱之證。陽明既鬱。榮衛之源壅而不利。則作寒熱。健運之機窒而不用。則爲不食。食入則適以助濕熱而增逆滿。爲頭眩心胸不安而已。茵陳梔子大黃苦寒通泄。使濕熱從小便出也。

茵陳蒿湯方

茵陳蒿 六兩

梔子 十四枚

大黃 二兩

右三味以水一斗先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便去也

黃家日晡所發熱而反惡寒此爲女勞得之。膀胱急少

腹滿身盡黃。額上黑。足下熱。因作黑瘧。其腹脹如水狀。大便必黑。時溇。此女勞之病。非水病也。腹滿者難治。石礬石散主之。

黃家曰。晡所本當發熱。乃不發熱。而反惡寒者。此爲女勞。腎熱所致。與酒瘧穀瘧不同。酒瘧穀瘧熱在胃。女勞瘧熱在腎。胃淺而腎深。熱深則外反惡寒也。膀胱急。額上黑。足下熱。大便黑。皆腎熱之徵。雖少腹滿。脹有如水狀。而實爲腎熱。而氣內畜。非脾濕而水不行也。惟是證兼腹滿。則陽氣併傷。而其治爲難耳。硝石鹹寒除熱。礬石除痼熱在骨髓。骨與腎合用以清。

腎熱也。大麥粥和服。恐傷胃也。

硝石礬石散方

硝石

熬黃

礬石

燒等分

右二味爲散。大麥粥汁和服。方寸七日。三服。病隨大便去。小便正黃。大便正黑。是其候也。

酒痺心中懊懣。或熱痛。梔子大黃湯主之。

酒家熱積而成實。爲心中懊懣。或心中熱痛。梔子淡豉。徹熱於上。枳實大黃。除實於中。亦上下分消之法也。

梔子大黃湯方



梔子十四枚

大黃二兩

枳實五枚

豉一升

右四味以水六升煮取二升分溫三服

諸病黃家但利其小便假令脉浮當以汗解之宜桂枝

加黃耆湯主之

小便利則濕熱除而黃自已故利小便為黃家通法

然脉浮則邪近在表宜從汗解亦脉浮者先吐之

意但本無外風而欲出汗則桂枝發散之中必兼黃

耆固衛斯病去而表不傷抑亦助正氣以逐邪氣也

桂枝加黃耆湯方見水

諸黃猪膏髮煎主之



此治黃瘧不濕而燥者之法。按傷寒類要云。男子。女。人黃瘧。飲食不消。胃脹。熱生黃衣在胃中。有燥屎。硬。然。猪膏煎服則愈。蓋濕熱經久。變為堅燥。譬如金。熱久。則濕去而乾也。本草。猪脂利血脉。解風熱。亂髮。消癍。開關格。利水道。故曰。病從小便出。

猪膏髮煎方

猪膏

半觔

亂髮

如雞子
大三枚

右二味和膏中煎之。髮消藥成分。再服。病從小便出。千金云。太醫校尉史脫家婢黃病。服此。胃中燥。糞下。便差。神驗。

黃痺病茵陳五苓散主之

此正治濕熱成痺者之法。茵陳散結熱。五苓利

水去

茵陳五苓散方

茵陳

十分

五苓散

五分

右二味和先食飲服方寸匕日三服

黃痺腹滿小便不利而赤。自汗出。此爲表和裏實。當下

之宜。大黃硝石湯。

腹滿小便不利而赤爲裏實。自汗出爲表和。大黃硝石亦下熱去實之法。視梔子大黃及茵陳蒿湯較猛



南京中醫藥大學圖書館版權所有